

आवो आंगनीये एक बार मारा मोमाजी महाराज भजन



आवो आंगनीये एक बार,
मारा मोमाजी महाराज,
थोरी घणी करू मनवार,
लुल लुल जोडु थोने हाथ।bd।

अरे मोमा घोडो चढेने आया,
आवो आवो आवो आप,
सोवे भालो हाथ रे माय,
करजो घोडा री असवार,
आवों आंगणिये एक बार,
मारा मोमाजी महाराज।bd।

अरे दाता उज्जैनी रा वीर,
थे तो केवो सुरा राटौड़,
आवो आवो मांजल रात,
रमजो रमजो सारी रात,
आवों आंगणिये एक बार,
मारा मोमाजी महाराज।bd।

दाता गायो रखवाला,
अरे चढजो घोडा माते आप,
करजो गायो री रखवाल,
रमजो रमजो मोमा आप,
आवों आंगणिये एक बार,
मारा मोमाजी महाराज।bd।

अरे मामा बहन बेटी री लाज,
आतो हे आपरे हाथ,
आवो आवो मांजल रात,
मारा मोमाजी महाराज,
आवों आंगणिये एक बार,
मारा मोमाजी महाराज।bd।



मामा शंकर री अरदास,
थाने नित नित बारम्बार,
अरे थाने भक्त करे अरदास,
दर्शन देवो आपो आय,
आवों आंगणिये एक बार,
मारा मोमाजी महाराज lbd।

आवो आंगनीये एक बार,
मारा मोमाजी महाराज,
थोरी घणी करू मनवार,
लुल लुल जोड़ु थोने हाथ lbd।

गायक – शंकर टाक जी ।
प्रेषक – मनीष सीरवी
9640557818